

Ervin Lázár: Mi septe inamoratas

Io ha justo septe inamoratas.

Le prime ha humeros ossose, le capite un poco cavallesc. Illa es combattivè. Quecunque io face, illo non es bon secundo illa. Illa me disturba in le labor e me menacia que io va vider: io non potera esser successose.

Le secunde es micre e ronde, vole multe infantes a haber e quancocunque illa pote illa surride. Illa canta multo bellemente – e illa ama, mesmo pote cantar.

Oscillante, un poco magre es le tertie. Ma illa es plen de charme. Illa vole viver bellemente. Illa non jammais ha mentite. Illa instiga anque me nunquam a mentir. E illa dice, il non es un grande resultado non mentir per lo que on dice nihil.

Le quarte es un vermente belle femina. Io intende, il es plus ben a describer la, como un femina bombastic. Illa ambula per hanca rolante, illa surride complacientemente. Illa ama biber, mangiar, ballar. Illa me tira con se in bars, mesmo in tavernas; ma illa nunquam es ebrie. Illa sole rider fortemente inter le carboneros. Illa es plen de amor. Le carboneros surride con illa.

Le quinte es silentiose, nigre e diligente. Illa face in ordine toto circum me, illa spera que quando io veni a illa le sequente vice io non essera immunde, mi capillos non essera irregulate e anque mi scarpas va brillar como le speculo. Illa crede irresistibilmente. Illa es triste, con supercilios abute, un vidua de Attica.

Le sexte es lascive. Si illa poteva, illa solmente viaggiarea, jacerea, dansarea. Illa exi ex un cinema e entra in un altere. Ma illa ama anque le aves. Si le arbores flora, illa sede durante horas in le jardin. Illa me incoragia a sufflar me plen con lumine, a lo que io vola toccante le terra a pena, solmente per le punctas del pedes.

Le septime ambula sempre in vestimentos nigre. Io non jammais ha vidite la a surrider. Illa presta attention sempre a interne, illa se occupa sempre con mi anima. Illa me protege e insenia. Illa me incoragia a amar omnes; omne mi septe inamoratas.

Ma io delude, fraudà omne le septe.

Io non labora pro le prime, io non surride con le secunde, io menti al tertie, io bibe con le quarte usque io deveni ebrie, le quinte me nunquam trova in ordine, le sexte non pote facer me amar le flores e le septime me incoragia in van a amar omnes.

Illa con humeros ossose se appella lunedì, le surridente es le martedì, le oscillante es le mercuridi, le lascive es le giovedì, illa de Attica es le venerdì, e le impudic es le sabbato. La qui nunquam surride es le dominica.

Que illas me fraudà un vice!